

NOTI-AMBIENTE.

**** Un cordial saludo y alavez un feliz weekend, sperando cu tur nos fiel lectornan ta gozando di un salud perfecto. Na tur esnan cu ta sufriendo un quebrante di salud, sea nan ta na hospital of na cas, un pronto recuperacion. Tambe un saludo na e prisioneronan na K.I.A. Mi a tende cu nan ta pura pa tur diasabra yega, pa asina nan por desgoha nan mes cu nan seccion preferi cu ta DEN AMBIENTE.**

**** Siman pasa nos orgullo cantante juvenil, Edjean Semeleer hunto cu e fenomenal duo di musica ranchera, Yolanda v/d Linde y Marcelino Paesch a viaha pa Corsow, na unda nan a realiza nan parti di grabacion pa un C.D. cual lo ta un proyecto di MAT Records. Riba e C.D. aki di musica ranchera, nos artistanan lo aparece hunto cu varios cantantenan di Corsow y Bonaire, manera e.o. Tico Libie, Boy Thode, Lio Roda, Mirugia Elisabeth, Carlos Salsbach, Moises Ramos, Solange Camelia y hopi mas. Henter e proyecto aki ta bao direccion di Dhaddy Brokke. Segun mi por a compronde cu ya tur e cantantenan a finalisa cu nan grabacion y cu pa prome cu dia di Mama den luna di Mei, e produccion aki mester ta riba mercado. Keda pendiente pa un relato mas amplio otro siman.**

**** Tambe nos a haya un call for di Gibi Doran for di hermana isla Corsow, cu e tambe ta den finalisa su produccion. Ya caba e la lansa su dos hitnan promocional na radio-emisoranan. Un di nan mi por a tende caba, cual sigur lo bay dal duro aki na Aruba, cual ta bisa; "Si bo no por cune, lage den e botter".**

**** Mientras cu E.R.A. y Gibi y Orquesta ta cosechando exitonan grandi aki na Aruba, nos orgullo cantante CLAUDIUS PHILIPS ta sigui cosecha exitonnan grandi na hermana**



**** Diadomingo siman pasa durante e "Bingo Ambientoso" di Royal Cabana Casino den Tropicana showroom, e grupito sumamente alegre aki a celebra "DIA DI ARUBA" cu un BOLO dorna cu e BANDERA y ESCUDO. DEN AMBIENTE tambe a haya un pida bolo y te awe den mi curazon e ritmo di "ARUBA DUSHI TERA" ta zona bay goal...**

isla Corsow cu su mas recien C.D. Mi por a compronde for di Mocky Job, cu e CDnan ta bayendo asina bon, cu den pura e mester a solicita 2 mil ehemplar mas. E lote aki cu caracter di urgencia a ser hiba personalmente pa nan manager Edwina Werleman.

**** Y nos ta "sigui sigui" cu e noticianan "hot hot" cu ta dreitando, cu ta bisa cu Claudius y su grupo OREO, un biaha mas lo ta di bishita na Corsow otro siman. Nan lo tin dos presentacion na Landhuis Brevengat riba diavieirne y diadomingo. Diasabra si e promotor no a risca di pone Claudius y su grupo OREO toca, ya cu e concierto di Luc Leandry lo bay hala boshi di hende. Esaki tambe a duna cu Claudius y su grupo OREO lo probecha di un anochi liber, pa bay disfruta di e concierto di Luc Leandry, cual concierto DEN AMBIENTE tambe lo ta presente.**

**** Informacionan cu DEN AMBIENTE a ricibi for di Hulanda, ta cu DUSHI BAND ta causando furor cu nan hitnan grandi manera; "Esta dushi bida nos Arubianonan ta biba" y tambe nan produccion recien**

conhuntamente cu Qua-Si, a worde bon acepta y tambe nan presentacionnan a ser masalmente bishita. Do-she Band ta den un gira di promocion di e ultimo CDnan di Cristal Records, na unda nan a probecha esaki durante e celebracion di "Aruba Dag". Nan ta ser spera na Aruba bek otro siman diavieirne, caminda tin varios artista cu ta sperando Hildward pa termina cu nan produccionnan bao seyo di Cristal Records.

**** DEN AMBIENTE a compronde cu Dhaddy Brokke y Boy Thode tabata na Aruba pa promove nan disco compacto "Un Biaha Mas". Nan a bishita varios radio-emisora. Na Corsow por a compronde cu e CD aki ta bayendo hopi bon, mientras aki na Aruba e falta un tiki mas sosten na nos radio-emisoranan.**

**** Dia 20 di April proximo lo bay tin un grandioso BINGO na Club di Trappers, na unda e prestigioso firma Tropical Bottling cu nan refresco semper campeon di juventud COCA-COLA y fundacion Sano y Talento lo organiza e grandioso BINGO aki na beneficio di nos JUVENTUD. E anochi di BIGNO aki lo ser combina cu**

un tremendo fiesta bailable y cu un show di mariachi. Keda pendiente pa mas informacion, pasobra ta DEN AMBIENTE mes lo bay anima e AMBIENTE...

**** Awemerdia durante e programa di DEN AMBIENTE na Radio Galactica, lo bay tin entrevistanan cu; Tarin Mansell nos Miss Aruba for di Medellin, Colombia, Jaime Arango diseñador y preparador di nos Miss Aruba, Mocky Job di Corsow, Efren Antonio lo conta mas di "Buscando Talento", cual lo ranca sali awenochi den Holiday Inn Aruba Beach Resort, y tambe Eligio Melfor lo ta presente den studio di Radio Galactica. No perde pa**

sintoniza Radio Galactica for di 12or pa 2or di merdia, ya cu bo por gana un cena pa dos den Twinkle Bone's Restaurant, ticket pa e show di Jewel Box Revue den Tropicana showroom y tambe dos ticket pa e comedia "Awe Si Ta Awe".

**** Danki pa tur e bon comentarionan di e programa di siman pasa, na unda DEN AMBIENTE tabata live for di cas di nos Tata di Cultura. Padu del Caribe a relata henter e historia di nos glorioso Himno Nacional "Aruba Dushi Tera" y tambe su experencianan cu e otro gran musico Rufo Wever (den feliz memoria). E programa aki a ser graba y lo keda como un recuerdo HISTORICO pa DEN AMBIENTE.**

**** Cosnan ta ketu cu nos bandanan local. DEN AMBIENTE a compronde cu trabaoan di grabacion ta den full swing. Loke ta pasa cu nos artistanan local, cu nan no ta gusta publicidad of nan no ta mira e importancia den esaki. Anto nan kier yora si, cu nan no ta worde promovi.**

**** Shonnan te otro siman cu DIOS kier. Pasa un feliz pero un feliz weekend y un siman productivo. Mayan nos ta topa den e Bingo di Royal Cabana Casino, mientras awe bo por scucha e voz di DEN AMBIENTE na Radio Galactica. Corda bon! NO HASI CU OTRO LOKE BO NO KIER PA OTRO HASI CU BO!...**



**** Padu del Caribe relatando e historia di nos glorioso Himno Nacional "Aruba Dushi Tera", na su propio hogar durante e programa di DEN AMBIENTE ...**